

高常侍集

四部叢刊初編集部

上海商務印書館
縮印明活字印本

高常侍集卷第一

賦

東征賦

嚴在甲申秋窮季月高子遊梁既又方適楚
以起怨望君門之愆哉微先容以効拙始不
應而不仕宜其漂淪而播越出東苑而遂行
沿濁河而茲始感隋皇之敗德劃平原而爲
此西馳洛汭東並淮渚地豁山開川流波委
六宮景從千官遲迤龍舟錦帆照耀千數千
百里大駕將去群盜日起尸祿者卷舌而偷
生直諫者解頤而後死寄腹心於梟獍任手
足於蛇虺既垂弑於匹夫尚興疑於愛子豈
不以爲窮力役於征戰務溢逸於奢侈六軍
悲牧野之師萬姓哭遼陽之鬼嗟顛覆於曩
日指年代於流水唯見長亭之煙火曠野之
荆杞至鄴縣之舊邑懷蕭相之高風既屈節
於主吏每歸誠於沛公始俱起於天下乃從
定於關中推金帛於他人挹圖籍於我躬按

山川之險阻救天地之也蒙嘉盈俸以增邑
方指蹤而建功納邵平以防患舉曹參而告
終經洛城而永望想譙郡而銷憂慨魏武之
雄圖終大濟於橫流用兵戈以威四海挾天
子而令諸侯乃擅命以誅伏徒矯跡以安劉
吾始未知夫順逆胡寧比德於殷周下符難
之西偏臨彭城之高岸連山鬱其滂蕩大澤
平乎渺漫昔天未厭禍項氏叛漢解齊歸楚
自蕭擊漢天地無色風塵潰亂閭閻君王之軼
軻混士卒以奔散苟炎運之克昌豈生人之
塗炭次靈壁之逆旅面城下之遺墟嗟魯公
之慷慨聞楚聲而悒於歌拔山以涕淚竊霸
圖而莫居攢亞父之何甚悲虞姬之有餘出
重圍以狼狽至陰陵以躊躇顧天亡以自負
雖身死兮焉如登夏丘而寓目對蒲隧而愁
子問取慮之斯在徵長直之捨諸宿徐縣之
迴津惟僱王之舊域方以小而事大豈無位
而有德彼皆昏暴以喪邦伊何仁義而亡國

高延陵之掛劍慕班彪之述職緬沛水之悠
悠俯畹林之紆直即日河濟依然泗上山川
土田耳目清曠眺淮源之呀豁偉楚關之雄
壯掛輕席於中流順長風以破浪盪野貽之
邑屋傷義帝之波蕩歎三戶之亡秦知萬人
以離項越龜山而訪泊入漁浦而待潮鴻鴈
飛兮木葉下楚歌悲兮雨蕭蕭霜封野樹冰
凍寒苗岍草無色蘆花自飄幸息有於人事
願投跡於漁樵思魏闕而天遠向秦川而路
遙候鳴鷄以進帆趨亂流以爭迅縱孤舟於
浩大撫垂堂以誠慎遵枉渚於淮陰徵昔人
於韓信哀王孫之寄食嘉漂母之無愠鄙亭
長之不仁乃晨炊而膏慘忽從龍以獲騁遂
擒豹以自奮破全趙而用奇稱假齊而益振
幸辭通以感惠俄結締而謀覺當在約而必
亨易持盈而不順凌赤岸之迅逝掉白波之
紆餘歷山陽之村野挹襄鄆之邑居人多嗜
艾俗喜觀漁連葭葦於郊甸雜汀洲於里閭

感百川之朝宗彌結念於歸歟日杲杲以麗
天雲飄飄以卷舒魯放情於蹈海丘未歎於
乘桴遇坎則止吾今不知其所如者哉

奉和鵲賦并序

天寶初有自滑臺奉太守李公鵲賦以垂示
適越在草野才無能為尚懷知音遂作鵲賦
其詞曰

夫何鵲之為用置之則已縱之無匹懷果斷
之沉潛任性情之敏疾頭小而銳氣雄而遠
貌耿介以凌霜目精明而點漆想像遼遠孤
貞深密將必取而乃迴若授詞而勿失當白
帝之用事入青雲而委質乃狗節以勃然因
指蹤而挺出嚴冬欲雪夏草初焚野濤蕩而
風緊天崢嶸而日曛念顧兔之狡伏耶高鳥
之成羣始滅沒以略地忽升騰而參雲翻尖
烈以電掣皆披靡而星分奔走者折脇而絕
脰鳴噪者血灑而毛紛雖百中之自我終一
呼而在君夫其左右更進縱橫筌迹掃窟穴

之凌兢振刺榛之淅瀝翕六翮以直上交雙
指以迅擊合連弩之應機類鳴鏑之破鎗豁
爾宵臆伊何凌厲以爽朗曾莫驚介豈虞險
艱而怵惕觀其所獲多有得用非媒歷閭闔
以蕭穆翊鈞陳而環回幸輝光於蒐狩承剪
拂於棲臺望鳳沼而輕舉紛羽族之驚猜路
杳杳而何向雲茫茫而不開鶯出谷兮徒爾
鶴乘軒而何哉彼懷毅勇輟輟而棄置胡不
効其間關而徘徊爾乃顧思有地燧主多情
念層空而不起託虛室以無驚雅節表於能
讓義心激於效誠勢逾高而下急體彌重而
飛輕戰羽翼以受命若肝膽之必呈嗟日月
之云邁猶羈縻而見嬰別有橫大海而遙度
順長風而一寫按足耻於巖巔脫身免於弋
者水落石出以疑閉雪皚皚而飄灑諒堅銳之
特然寧苦寒以求捨匪聚食以祈滿聊擊鮮
以自假比玄豹之潛形同幽人之在野矧其
升巢絕壁獨立危條心條怒於萬里思超遙

於九霄豈別物之能暴曷凡禽之見邀則未
知驚駭之所適孰與夫鵬鷖兮逍遙云爾哉
五言古詩

宋中十首

梁王昔全盛賓客復多才悠悠一千年陳跡
唯高臺寂寞向秋草悲風千里來
朝臨孟諸上忽見芒碭間赤帝終已矣白雲
長不還時清更何有禾黍偏空山
景公德何廣臨變莫能欺三請皆不忍妖星
終自移君心本如此天道豈無知
梁苑白日暮梁山秋草時君王不可見修竹
令人悲九月桑葉盡寒風鳴樹枝
登高臨舊國懷古對窮秋落日鴻鴈度寒城
砧杵愁昔賢不復有行矣莫淹留
出門望終古獨立悲且歌憶昔魯仲尼悽悽
此經過衆人不可向伐樹將如何
逍遙漆園吏其沒不知年世事浮雲外閑居
大道邊古來同一馬今我亦忘筌

五霸遞征伐宋人無戰功解圍幸奇說易子傷吾衷唯見廬門外蕭條多轉蓬

常愛宓子賤鳴琴能自親邑中靜無事豈不由其身何意千年後寂寥無此人

關伯去已久高丘臨道傍人皆有兄弟爾獨爲參商終古猶如此而人安可量

蜀中作

策馬自沙漠長驅登塞垣邊城何蕭條白日黃雲昏一到征戰處每愁胡虜翻豈無安邊書諸將已承恩惆悵孫吳事歸來獨閉門

睢陽酬別暢大判官

吾友遇知己策名逢聖朝高才擅白雪逸翰懷青霄承詔選嘉兵慨然即馳輶清晝下公館尺書忽相邀留歡惜別離畢景駐行鑣言及沙漠事益令胡馬驕丈夫拔東蕃聲冠霍嫖姚堯鞏銜矢石鐵甲生風颼諸將出井陘連營濟不橋首豪盡俘馘子弟輸征徭邊庭絕斗戰地成漁樵榆關夜不扃塞口長蕭

蕭降胡滿薊門一一能射鵰軍中多燕樂馬上何輕趨戎狄本無厭羈縻非一朝飢附誠足用飽飛安可招李牧制僭竊遺風豈寂寥君還謝幕府慎勿輕薨莠

答侯少府

常日好讀書晚年學垂綸漆園多喬木睢水清粼粼詔書下柴門天命敢逡巡赫赫三伏時十日到咸秦褐衣不得見黃綬翻在身吏道頓羈束生涯難重陳北使經大寒關山饒苦辛邊兵若芻狗戰骨成塊塵行矣勿復言歸歟傷我神如何燕趙睡忽過平生親開館納征騎彈絃娛遠賓飄飄天地間一別方茲晨東道有佳作南朝無此人性靈出萬象風骨超常倫吾黨謝王粲群賢推郗詵明時取秀才落日過蒲津節苦名已富祿微家轉貧相逢愧薄遊撫已荷陶鈞心事正堪盡離憂寧太頻兩河歸路遙二月芳草新柳接漳沱暗罵連渤海春誰謂行路難猥當希代珍提

握每終日相思猶比隣江海有扁舟丘園有
甬中君意定何適我懷知所違浮沉各異宜
老大貴全真莫作雲霄計枉道隨捐紳

哭軍父梁九少府

開篋淚沾臆見君前日晝夜臺今寤寐猶是
子雲居時昔食靈奇登臨賦山水同舟南浦
下望月西江裏契闊多別離綢繆到生死九
原即何處萬事皆如此晉山徒嵯峨斯人已
冥冥常時祿且薄歿後家復貧妻子在遠道
弟兄無一人十上多苦辛一官常自哂青雲
將可致白日忽先盡唯有身後名空留無遠
近

宋中遇陳二

常忝鮑叔義所寄王佐才如何守苦節獨此
無良媒離別十年外飄蓬千里來安知罷官
後惟見柴門開窮巷隱東郭高堂詠南陔籬
根長花草井上生莓苔伊昔望霄漢于今倦
蒿萊男兒命未達且進手中杯

別王微

歸客自南楚悵然思北林蕭條秋風暮迴首
江淮深留連愁作歡或爲梁甫吟時董想鵬
舉他人嗟陸沉載酒登平臺贈君千里心浮
雲暗長路落日有歸禽離別未足悲辛勤當
自任吾知十年後季子多黃金

送蕭十八

常苦古人遠今見斯人古淡泊遺聲華周旋
必鄒魯故交在梁宋遊方出庭戶尺馬鳴朔
風一身濟河濟辛勤採蘭詠款曲翰林主歲
月催別離庭闈遠風土寥寒煙靜莽蒼夕
雲吐明發不在茲青天渺難覩

宋中送族姪式顏時張大夫貶枯州

使人召式顏遂有此作

大夫擊東胡胡塵不敢起胡人山下哭胡馬
海邊死部曲盡公侯興臺亦朱紫當時有勳
業末路遭讒毀轉旆燕趙間剖符拊耆叟弟
兄莫相見親族遠粉拌不改青雲心仍招布

衣士平生懷感激，本欲候知己。去矣難重陳，飄然自茲始。遊梁且未遇，適越今可以。鄉山西北愁，竹箭東南美。崢嶸縉雲外，蒼莽幾千里。旅鴈悲啾啾，朝昏孰云已。登臨多瘴癘，動息在風水。雖有賢主人，終爲客行子。我携一尊酒，滿酌聊勸爾。勸爾惟一言，家聲勿淪泮。

又送族姪式顏

惜君才未遇愛君才，若此世上五百年。吾家一千里，俱遊帝城下。忽在梁園裡，我今行山東。離愛不能已。

同呂判官從哥舒大夫破洪濟城迴

登積石軍多福七級浮圖

塞口連濁河，轅門對山寺。寧知鞍馬上，獨有登臨事。七級凌太清，千崖列蒼翠。飄飄方寓目，想像見深意。高興殊未平，臨風颯然至。拔城陣雲合，轉旆胡星墜。大將何英靈，官軍動天地。君懷生羽翼，本欲厚駢駢。款段苦不前，青真信難致。一歌陽春後，三嘆終自愧。

登壇

壇頭遠行客，壇上分流水。流水無盡期，行人未云已。淺才登一命，孤劒通萬里。豈不思故鄉從來感，知己。

高常侍集卷第一

高常侍集卷第二

五言古詩

宴韋司戶山亭院

人幽想靈山意愜憐遠水習靜務爲適所居
還復爾汲流漲華池開酌宴君子吝徑試覲
踐石屏可攀倚入門見中峯攜手如萬里橫
翠了無事垂釣應有以高館何沉沉颯然涼
風起

贈別王七十管記

故交吾未測薄宦空年歲晚節蹤曩賢雄詞
冠當世堂中皆食客門外多酒債產葉曹未
言衣裘與人敝飄飄戎幕下出入關山際轉
戰輕壯心立談有邊計雲沙自迴合天海空
迢遞星高漢將驕月盛胡兵銳沙深冷陁斷
雪暗遼陽閉亦謂掃樓檣旋驚陷蜂蠶歸旌
告東捷聞騎傳西敗還飛絕漠書已築長安
第畫龍俱在葉龍鶴先歸衛勿辭部曲勳不
籍將軍勢相逢季冬月悵望窮海裔折劍留

贈人嚴裝遂云邁我行即悠綯及此還羈滯
曾非濟代謀且有臨深誠隨波混清濁與物
同醜麗眇懷青巖樓寧忘褐衣拜自言偕冰
石本欲親蘭蕙何意薄松筠翻然重管削恒
深取與分孰慢平生契款曲鷄黍期酸辛別
離袂逢時媿名節遇坎悲淪替適超非解紛
遊燕獨無說浩歌方振蕩遙翻思凌勵條若
異鵬搏吾當學鐔銳

效古贈崔二

十月河洲時一看有歸思風飈生慘烈雨雪
暗天地我輩今胡爲浩哉迷所至緬懷當途
者濟濟居聲位邈然在雲霄寧肯更淪蹟周
旋多燕樂門館列車騎美人芙蓉姿袂室蘭
麝氣金爐陳獸炭談笑正得意豈論草澤中
有此枯槁士我慙經濟策久欲甘棄置君負
縱橫才如何尚顧頽長歌增鬱快對酒不能
醉窮達自有時夫子莫下淚

鉅鹿贈李少府

李侯雖薄宦時譽何籍籍駿馬常借人黃金
每留客投壺華館靜縱酒涼風夕即此遇神
仙吾忻知損益

酬司空瑤

飄飄未得意感激與誰論昨日遇夫子乃欣
吾道存江山滿詞賦扎翰起涼溫吾見風雅
作人知德業尊驚颺蕩萬木秋氣也高原燕
趙何蒼茫鴻鴈來翩翩此時與君別握手欲
無言

酬李少府

出塞魂猶驚懷質意難說誰知吾道間乃在
客中別日夕捧瓊瑤相思無休歇伊人雖薄
宦舉代推高節述作凌江山聲華滿水雲一
登勳丘上四顧何慘烈來鴈無盡時邊風正
駭屑將從崖谷適且與沉浮絕君若登青雲
吾當投魏闕

酬裴秀才

男兒貴得志何必相知早飄蕩與物未蹉跎

覺年老長卿無產業季子慙妻嫂此事難重
陳未為衆人道

酬陸少府

朝臨淇水岸還望衛人邑別意在山阿征途
背原隰稍稍前村口唯見轉蓬入水渚人去
遲霜天鴈飛急固應不遠別所與路未及欲
濟川上舟相思空佇立

寄孟五

秋風落窮巷離憂薰暮蟬後時已如此高興
亦徒然知君念淹泊憶我屢周旋征路見來
鴈歸人悲遠天平生感千里相望在貞賢

同觀陳十六史興碑并序

楚人陳章甫繼毛詩而作史興碑遠自周末
迨乎隋季善惡不隱蓋國風之流未藏名山
刊在樂石僕美其事而賦是詩焉

荆衡氣偏秀江漢流不歇此地多精靈有時
生才傑伊人今獨步逸思能間發永懷掩風
騷千載常屹屹新碑亦崔嵬佳句懸日月則

是刊石經終然繼構杌我來觀雅製懷慨變
毛髮季主盡荒淫前王徒貽厥東周既削弱
兩漢更淪沒西晉何披猖五胡相唐突作歌
乃彰善比物仍惡訐感歎將謂誰對之空咄
咄

宋中遇劉書記有別

何代無秀士高門生此才森然覩毛髮若見
江山來義載因常調一朝時運催自身謁明
主待詔登雲臺相逢梁宋間與我醉蒿萊寒
楚渺千里雪天晝不開末路終別離不能強
悲哀男兒爭富貴勸爾莫遲迴

連上題樊氏水亭

連上非所趣偶爲世務牽經時駐歸棹日夕
對平川莫論行子愁且得主人賢亭上酒初
熟厨中魚每鮮自說宦游來因之居住偏
羨滄海曲種稻長淮邊四時長晏如百口無
飢年美芋簞簞下漁樵耳目前異縣少朋從
我行復速迴向不逢此君孤舟已言旋明日

又分手風濤還渺然

連上別王秀才

飄飄經遠道客思滿窮秋浩蕩對長津君行
殊未休崎嶇山海側想像無前儔何意照乘
珠忽然欲暗投東路方蕭條楚歌復悲愁暮
帆使人感去鳥兼離憂行矣當自愛壯年莫
悠悠余亦從此辭異鄉難久留贈言豈終極
慎勿滯滄洲

觀李九少府書樹交于賤神祠碑

吾友吏茲邑亦當懷宓公安知夢寐間忽與
精靈通一見興永嘆再來激深衷賔從何遠
逝二十四老翁於焉建層碑突兀長林東作
者無愧色行人感遺風坐令高岸盡獨對秋
山空片石勿謂輕斯言固難窮龍盤色綠外
鵲顧偃波中形勝駐群目堅貞指蒼穹我非
王仲宣去矣徒發蒙

東平路中遇大水

天災自古有昏墊彌今秋霖霖溢川原頑洞

涵田嶠指塗適汝陽掛席經蘆洲永望齊魯
郊白雲何悠悠傍沿鉅野澤大水緩橫流虫
蛇擁獨樹麋鹿奔行舟稼穡隨波瀾西成不
可求室居相枕藉蛙鼃聲啾啾乃憐穴蟻漂
益羹雲禽游農夫無倚着野老生殷憂聖主
當深仁廟堂運良籌倉廩終爾給田租應罷
收我心胡鬱陶征旅亦悲愁縱懷濟時策誰
肯論吾謀

東平留贈狄司馬

古人無宿諾茲道未爲難萬里赴知己一言
誠可歎馬蹄經月窟劍術指樓蘭地出北庭
盡城臨四海寒森然瞻武庫則是弄儒翰入
幕綰銀綬乘輅兼鐵冠練兵日精銳殺敵無
還殘獻捷見天子論功俘可汗激昂丹墀下
顧盼青雲端誰爲縱橫策翻爲權勢干將軍
既坎壈使者亦辛酸耿介挹三事羈離從一
官知君不得意他日會鵬搏

遇冲和先王

冲和生何代或謂遊東溟三命謁金殿一言
拜銀青自云多方術往往通神靈萬乘親問
道六宮無敢聽昔云限霄漢今來覩儀形頭
戴鶻鳥冠手搖白鶴翎終日飲醇酒不醉復
不醒猶憶鷄鳴山每誦西昇經拊背念離別
依然出戶庭莫見今如此曾爲一客星

自淇涉黃河途中作十二首

川上常極目世情今已閒去帆帶落日征路
隨長山親友若雲霄可望不可攀於茲任所
愜浩蕩風波間

清晨泛中流羽族滿江渚黃鵠何處來昂藏
寡儔侶飛鳴無人見飲啄豈得所雲漢爾固
知胡爲不輕舉

野人頭盡白與我忽相訪手持青竹竿日暮
淇水上雖老美容色雖貧亦閑放釣魚三十
年中心無所向

南登滑臺上却望河淇間行樹夾流水孤城
對遠山念茲川路闊羨爾沙鷗閑長想別離

處猶無音信還

東入黃河水茫茫泥紆直北望太行山峨峨
半天色山河相映帶深淺未可測自昔有賢
才相逢不相識

秋日登滑臺臺高秋已暮獨行既未懷懷土
悵無趣看宋何蕭條羗胡散馳騁當時無戰
略此地即邊戍兵革徒自勤山河孰云固乘
閒喜臨眺感物傷遊寓惆悵落日前飄飄遠
帆處北風吹萬里南鴈不知數歸意方浩然
雲沙更廻互

亂流自茲遠倚檝時一望遙見楚漢城崔嵬
高山上天道昔未測人心無所向屠釣稱侯
王龍蛇爭霸王綱懷多殺戮顧此增慘愴聖
代休甲兵吾其得閑放

茲川方悠邈雲沙無前後古堰對河壩長林
出淇口獨行非吾意東向日已久憂來誰得
知且酌樽中酒

朝從北岸來泊船南河濤試共野人言深覺

農夫苦去秋雖薄熟今夏猶未雨耕耘日勤
勞租稅兼易園園蔬空寥落產糴不足數尚
有獻芹心無因見明主

茫茫濁河注懷古臨河濱禹功本豁達漢跡
方因循坎德昔滂沱馮夷胡不仁渤海陵隄
防東郡多悲辛天子忽驚悼從官皆負薪春
築豈無謀祈禱如有神官房今安在高岸空
嶙峋

我行倦風濤輟棹將問津空傳歌輒子感慨
獨愁人孟夏桑葉肥穢陰夾長津蠶農有時
節田野無閑人臨水狎漁樵望山懷隱淪誰
能去京洛顚顚對風塵

朝景入平川川長復垂柳遙看魏公墓突兀
前山後憶昔大業時群雄角奔走伊人何電
邁獨立風塵首傳檄舉赦倉擁兵屯洛口連
營一百萬六合如有方項終比肩亂隋將
假手力爭固難恃驕戰曷能久若使學蕭曹
功名當不朽

奉和儲光義

天靜終南高俯映江水明有若蓬萊下淺深
見澄瀛群峯懸中流石壁如瑤瓊魚龍隱蒼
翠鳥獸游清冷菰蒲林下秋蒨蒨波中輕山
莫浴蘭止水若居雲屏嵐氣浮潛宮孤光隨
曜靈陰陰豫章館宛宛百花亭大君及群臣
燕樂方嚶鳴吾黨二三子茲辰怡性情逍遙
滄洲時乃在長安城

塞下曲

結束浮雲駿翩翩出從戎且憑王子怒復倚
將軍雄萬鼓雷殷地干旗火生風日輪駐霜
戈月魄懸瑯弓青海陣雲匝黑山兵氣衝戰
酣太白高戰罷旄頭空萬里不惜死一朝得
成功畫圖麒麟閣入朝明光宮大笑向文士
一經何足窮古人昧此道往往成老翁

高常侍集卷第二

高常侍集卷第三

五言古詩

三君詠并序

開元中適游於魏郡北有故太師鄭公舊館
里有故尚書郭公遺業邑外又有故太守
狄公生祠焉觀物增懷遂爲三君詠

魏鄭公

鄭公經綸日隋氏風塵昏濟代取高位逢時
敢直言道光先帝業義激舊君恩寂寞卧龍
處英靈千載魂

郭代公

代公實英邁津涯浩難識擁兵抗矯徵仗節
歸有德縱橫負才智顧盼安社稷流落勿重
陳懷哉爲悽惻

狄梁公

梁公乃貞固勲烈垂竹帛昌言太后朝潛運
儲君策待賢開相府共理登方伯至今青雲
人猶是門下客

東平路作三首

南園道不就東走豈吾心索索涼風動行行
秋水深蟬鳴木葉落茲夕更秋霖

明時好畫策動欲干王公今日無成事依依
親老農扁舟向何處吾愛汝陽中

清曠涼夜月徘徊孤客舟渺然風波上獨夢
前山秋秋至復搖落空令行者愁

銅雀妓

日暮銅雀迴秋深玉座清蕭森松栢望委鬱
綺羅情君恩不再得妾舞爲誰輕

同諸公登慈恩寺塔

香界泐群有浮圖豈諸相登臨駭孤高披拂
析大壯言是羽翼生迥出虛空上頓疑身世
別乃覺形神王宮闕皆戶前山河盡簷向秋
風昨夜至黍稷多清曠千里何蒼蒼五陵鬱
相望盛時慙阮步兵宦知周防翰效獨無因
斯焉可遊放

和賀蘭判官望北海外作

聖代務平典輶軒推上才迢迢溟海際曠望
滄波開四牡未遑息三山安在哉巨鰲不可
釣高浪何摧嵬湛湛朝百谷茫茫連九垓挹
流納廣大觀異增遠迴日出見魚目月圓知
蚌胎跡非想像到心以精靈猜遠色帶孤嶼
虛聲涵殷雷風行越裳貢水過天吳災攬轡
隼將擊忘機鷗復來綠情韻騷雅獨立遺塵
埃吏道竟殊用翰林仍忝陪長鳴謝知己所
魂非龍媒

奉酬北海李太守丈人夏日平陰亭

天子股肱守丈人山岳靈出身侍丹墀舉
凌青冥當昔皇運否人神俱未寧諫官莫敢
議酷吏方專刑谷永獨言事匡衡多引經兩
朝納深衷萬乘無不聽感烈播南史雄詞豁
東溟誰謂整隼旟翻然憶柴局寄書汝陽客
迴首平陰亭開封見千里結念存百齡隱軫
江山麗氛氲蘭茝馨自憐遇時休漂泊隨流
萍春野變木德夏天臨火星一生徒羨魚四

十猶聚螢從此日閑放焉能懷捨青

塞上

東出盧龍塞浩然客思孤亭瑱列萬里漢兵
猶備胡遠塵滿北溟虜騎正南驅轉關豈長
策和親非遠圖惟昔李將軍按節出此都搃
戎掃大漠一戰擒單于常懷感激心願効縱
橫謨倚劍欲誰語關河空鬱紆

贈別沈四逸士

沈侯未可測其況信浮沉十載常獨坐幾人
知此心乘舟蹈滄海買劍投黃金世務不足
煩有田西山峯我來遇知己遂得閑清襟何
意閭閻間沛然江海深疾風掃秋樹濮上多
鳴砧耿耿尊酒前臨鴈飛愁音平生重離別
感激對孤琴

遇盧明府有贈

良吏不易得古人今可傳靜然本諸已以此
知其賢我行挹高風羨爾兼少年胸懷豁清
夜史漢如流泉明白復行春遂迤出郊壇登

高見百里桑野鬱芊芊時平俯鵲巢歲熟多
人煙奸猾唯閉戶逃亡歸種田迴軒自郭南
老幼滯馬前皆賀蠶農至而無僭役牽君觀
黎庶心撫之誠萬全何幸逢大道願言烹小
鮮誰能奏明主一試武城絃

題尉遲將軍新廟

周室旣板蕩賊臣立嬰兒將軍獨激昂誓欲
酬恩私孤城日無援高節終可悲家國共淪
亡精魂空在斯沉沉積冤氣寂寂無人知良
牧懷深仁與君建明祠父子但血食軒車每
逶迤我來薦蘋蘩感歎與此詞晨光上階闥
殺氣翻旌旗明明幽冥理至誠信莫欺唯夫
二千石多慶方自茲

單父逢鄧司倉覆倉庫因而有贈

邦牧今坐嘯群賢趨紀綱四人忽不擾耕者
遙相望聚粲府中妙授詞如覆霜炎炎伏熱
時草木無晶光匹馬度睢水清風何激揚校
繒閱帑藏餐廩忻斯箱邂逅得相逢歡言至

夕陽開襟自公餘載酒登琴堂舉杯挹山川
寓目窮毫芒白鳥向田盡青蟬歸路長醉中
不惜別況乃正遊梁

同韓四薛三東亭詠月

遠遊悵不樂茲賞吾道存款曲故人意辛勤
清夜言東亭何寥寥佳境無朝昏塔堦近洲
渚戶牖當郊原矧乃窮周旋游時怡討論樹
陰蕩瑤瑟月氣延清輝明河帶飛鴈野火連
荒村對此更愁于悠哉懷故園

同敬八盧五汎河間清河

清川在城下沿汎多所宜同濟愜數公翫物
欣良時飄飄波上興燕婉舟中詞昔涉乃平
原今來忽漣漪東流遠滄海西流延濤池雲
樹共晦明井邑相逶迤稍隨歸月帆若與沙
鷗共漁父更留我前潭水未滋

同房侍御山園新亭與邢判官同遊

隱隱春城外蒙蒙陳跡深君子顧榛莽與言
傷古今決河導新流疏逕蹤舊林開亭脩川

陸時景宜招尋肅穆逢使軒賓緣事登臨忝
遊芝蘭室還對桃李陰岸遠白波來氣喧黃
鳥吟因觀歌頌作始知經濟心灌壇有遺風
單父多鳴琴誰爲父州縣蒼生懷德音

同馬太守聽九思法師講金剛經

吾師晉陽寶傑出山河最途經世諦聞心到
空王外鳴鍾山虎伏說法天龍會了義同建
鏡梵法若吹竊深知億劫苦善喻恒沙大捨
施剝肌膚攀緣去親愛招提何清淨良牧駐
軒蓋露冕衆香中臨人覺苑內心持佛印久
標割魔軍退願聞初地因未奉彌天對

送韓九

惆悵別離日徘徊岐路前歸人望獨樹匹馬
隨秋蟬常與天下士許君兄弟賢良時正可
用行矣莫徒然

登子賤琴堂賦詩三首并序

甲申歲適登子賤琴堂賦詩三首首章懷安
公之德千祀不朽次章美太守李公能嗣子

賤之政再造琴臺末章多邑宰崔公能思子

賤之理

宓子昔爲政鳴琴登此臺琴和人亦開千載稱其才臨眺忽悽愴人琴安在哉悠悠此天壤唯有頌琴來

邦伯感遺事慨然建琴堂乃知靜者心千載猶相望入室想其人出門何茫茫唯見白雲合東臨鄒魯鄉

瞻瞻邑中老自誇邑中理何必升君堂然後知君美開門無大吠早卧常晏起昔人不忍欺今我還復爾

同薛司直諸公秋霽曲江俯見南山

作

南山鬱初霽曲江湛不流若臨瑤池間想望崑崙丘起首見簾色眇然波上秋深沉俯崢嶸清淺延阻修連瀾萬木影拂岧千巖幽青藹信難測淵淪無暗枝片雲對漁父獨鳥隨虛舟我心寄青雲世事慙白鷗得意在乘興

忘懷非外求良辰自多暇忻與數子遊

魯西至東平

沙岸泊不定石橋水橫流聞津見魯谷懷古傷家丘寥落千載後空傳裏聖侯

淇上別劉少府子英

近來住淇上蕭條惟空林又非耕種時閑散多自任伊君獨知我驅馬欲抬尋千里忽攜手十年同苦心求仁見交態於道喜甘賄逸思乃天縱微才應陸沉輒然歸故鄉不復問離襟南登黎陽渡莽蒼寒雲陰桑葉原上起河凌山下深途窮更遠別相對益悲吟

別耿都尉

四十能學劍時人無此心如何耿夫子感激投知音翩翩白馬來二月青草深別易小千里興酣傾百金

宋中遇林處揚十七山人因而有別

昔余涉漳水驅車行鄴西遙見林慮山蒼蒼戛天倪邂逅逢爾曹說君彼巖棲蘿徑垂野

夏石房倚雲梯秋非何青青藥苗數百畦果
林鹽谷口枯樹森迴溪耕耘有山田紡績有
山妻人生苟如此何必組與珪誰謂遠相訪
囊情殊不迷簷前舉醇醪竈下烹雉雞朔風
忽振蕩昨夜寒蛩啼遊子益思歸罷琴傷解
携出門盡原野白日黯已低始驚道路難終
念言笑膠因聲謝岑壑歲暮一禁蹕

苦雨寄房四昆季

獨坐見多雨况茲兼索居茫茫十月交窮陰
千里餘彌望無端倪北風擊林發白日渺難
親黃雲爭卷舒安得造化功曠然一掃除滴
瀝簷宇愁寥寥談笑踈泥塗擁城郭水潦盤
丘墟惆悵惘田農徘徊傷里閭曾是力井稅
曷爲無斗儲萬事切中懷十年思上書君門
嗟緬邇身計念居諸沉吟顧草莽鬱快任盈
虛黃鵠不可羨鳴鷄時起予故人平臺側高
館臨通衢兄弟方荀陳才華冠應徐彈碁自
多暇飲酒更何如知人想林宗直道慙史魚

携手流風在開襟鄙吝祛寧能訪窮巷相與
對園蔬

別張少府

歸客暫不住朝雲縱復橫馬頭向春草斗柄
臨高城嗟我久離別羨君看弟兄歸心更難
道回首一傷情

酬馬八効古見贈

深崖生綠竹秀色徒氛氲時代種桃李無人
顧此君奈何水雪操尚與蒿萊群願託靈仙
子一吹聲入雲

送崔錄事赴宣城

大國非不理小官皆用才欲行宣城印住飲
洛陽杯曉景爲人別長天無鳥迴舉帆風波
湧倚棹江山來羨爾兼乘興蕪湖千里開

宋中別李八

歲晏誰不歸君歸意可說將趨倚門望還念
同人別駐馬臨長亭飄然事明發蒼莽眺千
里正值苦寒節舊國多轉蓬平臺下明月世

情薄庇賤夫子懷賢哲行矣各勉旃吾當挹
餘烈

高常侍集卷第四

五言古詩

宋中別周梁李三子

曾是不得意適來兼別離如何一樽酒翻作
滿堂悲周子負高價梁生多逸詞周旋梁宋
間感激建安時白雪正如此青雲無自疑李
侯懷英雄翫離乃天資方寸且無間衣冠當
在斯俱爲千里遊勿念兩鄉辭且見壯心在
莫嗟攜手遲涼風吹北原落日滿西陵露下
草初白天長雲屢滋我心不可得君兮定何
之京洛多知己誰能憶左思

酬別薛三蔡大弼簡韓十四主簿

迢遞辭京華辛勤異鄉縣登高俯滄海迴首
淚如霰同人久離別失路還相見薛侯懷直
道德業應時選蔡子負清才當年擢賓薦韓
公有奇節詞賦凌群彦讀書嵩峯間作吏滄
海甸伊余寡棲託感激多慍見縱誕非爾情
漂淪任疵賤忽枉瓊瑤作乃深平生眷始謂

吾道存終嗟客遊倦歸心無晝夜別事除言
宴復值涼風時蒼茫夏雲變

荊門不遇王之渙郭密之因以晤贈
適遠登薊丘茲晨獨搔眉賢交不可見吾願
終難說迢遞千里遊羈離十年別才華仰清
典功業嗟芳節曠蕩阻雲海蕭條帶風雪逢
時事多謬失路心彌折行矣勿重陳懷君但
愁絕

送虞城劉明府謁魏郡苗太守

天官蒼生望出入承明廬蕭蕭領舊藩皇皇
降重書茂宰多感激良將復吹噓永懷一言
合誰謂千里踈對酒忽命駕茲情何起予炎
天晝如火極目無行車長路出雷澤浮雲歸
孟諸魏郡十萬家歌鍾喧里閭傳道賢君至
閉關常晏如君將挹高論定是問樵漁今日
逢明聖吾為陶隱居

酬秘書弟兼寄幕下諸公并序

乙亥歲適徵詣長安時侍史楊公任通事舍

人詩書起予蓋終日矣今年適自封丘尉統
吏卒於青夷途經博陵得太守賈公之政相
見如舊他日之意存焉司業張侯周旋迨茲
僅三十載將疇昔是好匪窮達之異乎族弟
秘書屬序之白眉者風塵一別俱東西南北
之人愴然相逢適與穎契旅館之暇長懷益
增因賦是詩愧非六義之流也

亞相膺時傑群才遇良工翩翩幕下來拜賜
甘泉宮信如命世奇適會非常功侍御執邦
震清詞煥春叢末路望繡衣他時常發蒙孰
云三軍壯懼我彈射惟誰謂萬里遙在我罇
俎中光祿經濟器精微自深衷前席屢榮問
長城兼在躬高縱激頽波逸翮馳蒼穹將副
節制籌欲今沙漠空司業至應徐雅度思冲
融相思三十年憶昨猶兒童今來抱青紫忽
若披鷁鴻說劍增慷慨論交持始終秘書即
吾門虛白無不通多才陸平原願學鄭司農
獻封到關西獨步歸山東末意久知處嘉言

能元宗客從梁宋來行役隨轉蓬酬贈欣元
弟憶賢瞻數公遊鱗戲滄浪鳴鳳棲梧桐並
負垂天翼俱乘破浪風耽耽天府間偃仰誰
敢同何意播廣厦翻然顧雕蟲應知阮步兵
惆悵此途窮

淇上酬薛三掾兼寄郭少府

自從別京華我心乃蕭索十年守章句萬事
空寥落北上登薊門茫茫見沙漠倚劒對風
塵慨然思衛霍拂衣去燕趙驅馬恨不樂天
長滄洲路日暮邯鄲郭酒肆或淹留漁潭屢
栖泊獨行備艱險所見窮善惡永願拯芻蕘
孰云千鼎鑊皇情念淳古時俗何浮薄理道
資任賢安人在求瘼故交負靈奇逸氣抱寒
謬巖軫輕濟具縱橫建安作才望忽先鳴風
期無宿諾飄飄勞州縣遐通限言譖東馳眇
貝丘西顧彌號暑淇水徒自流浮雲不堪託
吾謀適可用天路豈寥廓不然買山田一身
與耕鑿且欲同鷓鴣焉能志鴻鵠

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉
清夜作感物我心勞涼風驚二毛池空菡萏
死月出梧桐高如何異鄉縣復得交才彥汨
沒嗟後時蹉跎耻相見某山別來久魏闕誰
不戀獨有江海心悠然未嘗倦

苦雪四首

二月猶北風天陰雪冥冥寥落一室中悵然
慙百靈苦愁正如此門柳復青青
惠連發清興東安念高卧余故非斯人爲性
兼懶情賴茲罇中酒終日聊自過
濛濛灑平陸淅淅至幽居且喜潤群物焉能
悲斗儲故交久不見鳥雀投吾廬
孰云久閒曠本自保知寡窮未獨無成春條
秣盈把安能羨鵬舉且欲歌牛下乃知古時
人亦有如我者

登廣陵棲靈寺塔

淮南富盛臨茲塔信奇最直上造雲族憑虛

納天籟迥然碧海西獨立飛馬外始知高興
盡通與賞心會連山黯吳門喬木吞楚塞城
池滿窓下物象歸掌內遠思駐江帆暮情結
春鵲軒車共奮動造化資大塊何必了無身
然後知所退

魯郡途中過徐十八歸事

誰謂嵩穎客遂經鄒魯鄉前臨少昊墟始覺
東蒙長獨行豈吾心懷古激中腸聖人久已
矣將夏遙相望徘徊野澤間左右多悲傷日
出見闕里川平如汶陽弱冠負高節十年思
自強終年不得意去去任行藏

酬鴻臚裴主簿雨後昨陽北樓見贈之作

暮霞照新晴歸雲猶相逐有懷晨昏暇想見
登眺目間禮侍形檐題詩訪茅屋高樓多古
今陳事滿陵谷地久微子封墓餘孝王築徘徊
顧繁漢路逶迤川陸遠水對秋城長天向
喬木公門何清淨列戟森已肅不歎携手稀

恒思着鞭速終當拂羽翰輕舉隨鴻鶴

薊門五首

薊門達古老獨立思氛氲一身既零丁頭髮
白紛紛勳庸今已矣不識霍將軍

漢家能用武開拓窮異域戍卒獸糝糠降胡

飽衣食開亭試一望吾欲涕沾臆

邊城十一月雨雪亂霏霏元戎號令嚴人馬

亦輕肥羌胡無盡日征戰幾時歸

幽州多騎射結髮重橫行一朝事將軍出入

有聲名紛紛獵秋草相向角弓鳴

黯黯長城外日沒更煙塵胡騎雖憑陵漢兵

不顧身古樹滿空塞黃雲愁殺人

同群公宿開善寺贈陳十六所居

駕車出人境避暑拔僧家徘徊龍象側始見

香林花讀書不及經飲酒不勝茶知君悟此

道所未披袂談空忘外物持誠破諸邪則是

無心地相看唯月華
同群公秋登琴臺

古跡使人感，琴臺空寂寥。靜然顧遺塵，千載如昨朝。臨眺自茲始，群賢久相邀。德與形神高，孰知天地遙。四時何倏忽，六月鳴秋蜩。萬象歸白帝，平川橫赤霄。猶是對夏伏，幾時有涼飈。燕雀滿簷楹，鴻鵠搏扶搖。物性各自得，我心在漁樵。兀然還復醉，尚握樽中瓢。

同群公出獵海上

吹獵自古昔，況伊心賞俱。偶與群公遊，曠然出平蕪。層陰漲溟海，殺氣窮幽都。鷹隼何翩翾，馳驟相傳呼。豺狼覓榛莽，鹿麋罹艱虞。高鳥下駢弓，困獸闢匹夫。塵驚大澤晦，火燎深林枯。失之有餘恨，獲者無全軀。咄彼工拙間，恨非指蹤徒。猶懷老氏訓，感歎此歡娛。

同群公題鄭少府田家

鄭侯應憫惓，五十頭盡白。昔爲南昌尉，今作東郡客。與語多遠情，論心知所益。秋林旣清曠，窮巷空淅瀝。蟬舞園更閒，雞鳴日云夕。男兒未稱意，其道固無適。勸君且杜門，勿嘆人

事隔

同群公題中山寺

平原十里外，稍稍雲巖深。遂及清淨所，都無人世心。名僧既禮謁，高閣復登臨。石壁倚松徑，山田多栗林。超遙盡巖嶂，逼側仍嶮嶮。欲休世事於焉聊，自任。

李雲南征蠻詩并序

天寶十一載，有詔伐西南夷。右相楊公兼節制之寄，乃奏前雲南太守李宓涉海自交趾，擊之道路險艱，往復數萬里。蓋百王所未通也。十二載四月，至於長安。君子是以知廟堂使能而李公効節，通忝斯人之舊，因賦是詩。聖人赫斯，怒詔伐西南戎，肅穆廟堂上，深沉節制雄。遂令感激士，得見非常功。料死不料敵，顧思韋顧終。鼓行天海外，轉戰蠻夷中。梯巖近高鳥，穿林經毒虫。鬼門無歸客，北戶多南風。蜂虿隔萬里，雲雷隨九攻。長驅大浪破，急擊群山空。餉道忽已遠，縣軍垂欲窮。精誠

動白日憤連蒼穹野食掘田鼠哺餐兼糲
僅收兵列亭堠拓地彌西東臨事耻苟免最
危能飭將星獨照耀邊邑何溟濛瀟水夜
可涉交州今始通歸來長安道召見甘泉宮
廬閣若未死孫吳知暗同相逢論意氣慷慨
謝深衷

登百丈峯二首

朝登百丈峰遙望燕支道漢壘青冥間胡天
白如掃憶昔霍將軍連年此征討匈奴終不
滅塞山徒草草唯見鴻鴈飛今人傷懷抱
晉武輕後事惠皇終已昏豺狼塞瀝洛胡羯
爭乾坤四海如鼎沸五原徒自尊而今白庭
路猶對青陽門朝市不足問君臣隨草根

酬裴員外以詩代書

以時方浩蕩遇物猶塵埃脫略身外事交遊
天下才單車入燕趙獨立心悠哉寧知戎馬
間忽展平生懷且欣清論高堂顧夕陽頽題
詩碣石館縱酒燕王臺北望沙漠垂漫天雪

璿璣臨還無策畧覽古空徘徊樂毅吾所憐
拔齊翻見猜荆卿吾所悲邇秦不復迴然諾
多死地公忠成禍胎與君從此辭每恐流年
催如何俱老大始復忘形骸兄弟真二陸聲
華連八裴乙未將星變賊臣候天災胡騎犯
龍山乘輿經馬嵬千官無倚着萬姓徒悲哀
誅呂鬼神動安劉天地開奔波走風塵倏忽
值雲雷揮旄出淮甸入幕徵楚材誓當剪鯨
鯢永以竭驚駭小人胡不仁譏我成死灰賴
得日月明照耀無不該留司洛陽官詹府唯
蒿萊是時掃氛授尚未殲澤魁背河列長圍
師老將亦乖歸軍劇風火散卒爭椎埋一夕
瀝洛空生靈悲慕腮衣冠投草莽子欲馳江
淮登頓宛葉下栖遑襄鄧隈城池何蕭條邑
屋更崩摧縱橫荆棘叢但見瓦礫堆行人無
血色戰骨多青苔遂除鉉門守因得朝玉階
激昂仰鶯鷺獻替欣益梅驥傳及遠番憂思
鬱難排罷人紛爭訟賦稅如山崖所思在畿

向曾是魯宓儕自從拜郎官別宿煥天街那
能訪遐僻還復寄瓊璫金玉本高價填策終
易諧朗詠臨清秋京風下庭槐何意冠盜間
獨稱名義借辛酸陳侯誅嘆息李膺杯白日
屢分手青春不再來卧看中散論愁憶太常
齋酬贈徒爲爾長歌還自吟

酬麗十兵曹

憶昔遊京華自言生羽翼懷書訪知己末路
空相識許國不成名還家有慙色託身從賦
畝浪跡初自得雨澤感天時耕耘忘帝力同
人洛陽至問我睢水北遂爾款津涯淨然見
胸臆高談懸物象逸韻拔翰墨別岸迥無垠
海鶴鳴不息梁城多古意攜手共悵惻懷賢
想郭枚登高思荆棘世情惡底賤之子憐孤
直酬贈感并深離憂豈終極

和崔二少府登楚丘城作

故人亦不遇異縣久拙託辛勤失路意感嘆
登樓作清晨眺原野獨立窮寥廓雲散芒碭

山水還睢陽郭遶梁即襟帶封衛多漂泊事
古悲城池年豐愛墟落相逢俱未展携手空
蕭索何意千里心仍求百金諾公侯皆我輩
動用在謀略聖心思賢才竭來刈葵藿

同呂員外酬田著作幕門軍西宿盤

山秋夜作

磧路天甲秋邊城夜應永遙傳戎旅作已報
開山冷上將頓盤坂諸軍徧泉井綢繆閭外
書懷慨幕中請能使勲業高動令氛霧屏遠
途能自致短步終難騁羽翮時一看窮愁始
三省人生感然諾何啻若形影白髮知苦心
陽春見佳境星河連塞絡刀斗兼山靜憶君
霜露時使我空引領

哭裴少府

世人誰不死嗟君非生慮扶病適到官田園
在何處公才群吏感棄事他人助余亦未識
君悲哭君去

高常侍集卷第四

高常侍集卷第五

七言古詩

燕歌行 并序

開元二十六年客有從元戎出塞而還者作
燕歌行以示適感征戍之事因而和焉
漢家煙塵在東北漢將辭家破殘賊男兒本
自重橫行天子非常賜顏色縱金伐鼓下榆
關旌旆遙遙碣石間校尉羽書飛瀚海軍于
獵火照狼山山川蕭條極邊土胡騎憑陵雜
風雨戰士軍前半死生美人帳下猶歌舞大
漠窮秋塞草腓孤城落日聞兵稀身當恩遇
常輕敵力盡關山未解圍鐵衣遠戍辛勤久
玉筋應啼別離後少婦城南欲斷腸征人薊
北空回首遠庭飄颻那可度絕域蒼茫無所
有殺氣三時作陣雲寒聲一夜傳刁斗相看
白刃雪紛紛死節從來豈顧勲君不見沙場
征戰苦至今猶憶李將軍

行路難二首

長安少年不以錢能騎駿馬鳴金鞭五侯相
逢大道邊美人絃管爭留連黃金如斗不敢
惜片言如山莫棄捐安知顓頊讀書者暮宿
靈臺私自憐

君不見富家翁舊時貧賤誰比數一朝金多
結豪貴百事勝人健如虎子孫成行滿眼前
妻能管絃妾歌舞自矜一身忽如此却笑傍
人獨愁苦東陵少年安所如席門窮巷出無
車有才不肯學干謁何用年年空讀書

別韋參軍

二十解書劒西遊長安城舉頭望君門屈指
取公卿國風冲融邁三五朝廷歡樂彌寰宇
白璧皆言賜近臣布衣不得干明主歸來洛
陽無負郭東過梁宋非吾土免苑爲農歲不
登鴈池垂釣心長苦世人向我同衆人唯君
於我最相親且喜百年有交態未嘗一日辭
家貧彈碁擊筑白日晚縱酒高歌楊柳春歡
娛未盡分散去使我惆悵驚心神丈夫不作

兒女別臨岐涕淚沾衣巾

送蔡山人

東山布衣明古自言獨未達知音識者聞
見一生事到處豁然千里心看書學劍長辛
苦近日方思謁明主斗酒相留醉復醒悲歌
數年淚如雨丈夫遭遇不可知買臣主父皆
如斯我今踴躍無所似看爾崩騰何若爲

漁父歌

曲岸深潭一山叟駐眼看鈎不移手世人欲
得知姓名良久問他不開口笋皮笠子荷葉
衣心無所營守釣磯料得孤舟無定止日暮
持竿何處歸

秋胡行

妾本邯鄲未嫁時容華倚翠人未知一朝結
髮從君子將妾迢迢東路時逢大道無難
阻君方造宦從陳汝蕙樓獨卧頻度春彩落
辭君幾但暑三月垂楊盡未眠携籠結侶南
陌邊道逢行子不相識贈妾黃金買少年妾

家夫婿經離久寸心誓與長相守願言行路
莫多情道妾貞心在人口日暮蠶飢相命歸
攜籠端飾來庭闈勞心苦力終無恨所冀君
恩那可依聞說行人已歸止乃是向來贈金
子相看顏色不復言相顧懷慙有何已從來
日隱無疑背直爲君情也相會如何咫尺仍
有情况復迢迢千里外誓將顧恩不顧身念
君此日赴河津莫道向來不得意故欲徇規
誠後人

留別鄭三韋九兼洛下諸公

憶昨相逢論父要顧君哂我輕常調羈旅雖
同白社遊詩書已作青雲料蹇躓蹉跎竟不
成年過四十尚躬耕長歌達者杯中物大笑
前人身後名幸逢明聖多招隱高山大澤微
求盡此時亦得辭漁樵青袍裹身荷聖朝犁
牛釣竿不復見縣令邑吏來相邀遠路鳴蟬
秋興發華堂美酒離憂銷不知何時更攜手
應念茲晨去折腰

封丘縣

我本漁樵孟諸野一生自是悠悠者乍可狂歌草澤中寧堪作吏風塵下祇言小邑無所爲公門百事皆有期拜迎官長心欲碎鞭撻黎庶令人悲歸來向家問妻子舉家盡笑今如此生事應須南畝田世情付與東流水夢想舊山安在哉爲衛君命日遲迴乃知梅福徒爲爾轉憶陶潛歸去來

題李別駕壁

去鄉不遠逢知己握手相歡得如此禮樂遙傳魯伯禽賓客爭過魏公子酒筵莫散明月上握馬常鳴春風起一生稱意能幾人今日從君問終始

邯鄲少年行

邯鄲城南游俠子自矜生長邯鄲裏千場縱博家仍富幾處報讎身不死宅中歌笑日紛紛門外車馬如雲屯未知肝膽向誰是令人却憶平原君君不見令人交態薄黃金用盡

還疎索以茲感歎辭舊遊更於時事無所求且與少年飲美酒往來射獵西山頭

古大梁行

古城莽蒼饒荆榛驅馬荒城愁殺人魏王宮觀盡禾黍信陵賓客隨灰塵憶昨雄都舊朝市軒車照耀歌鐘起軍容帶甲三十萬國步連營五千里全盛須臾那可論高臺曲池無復存遺墟但見狐狸迹古地空餘草木根暮天搖落傷懷抱撫劍悲歌對秋草俠客猶傳朱亥名行人尚識夷門道白壁黃金萬戶侯寶刀駿馬填山丘年代淒涼不可問往來唯見水東流

別揚山人

不到嵩陽動十年舊時心事已徒然一二故人不復見三十六峯猶眼前夷門二月柳條色流鶯數聲淚沾臆繁井耕田不我招知君以此忘帝力山人好去嵩陽路惟余眷眷長相憶

送田少府貶蒼梧

沉吟對遷客惆悵西南天昔爲一官未得意
今向萬里令人憐念茲斗酒成睽間停舟嘆
君日將晏遠樹應憐北地春行人却羨南歸
鴈丈夫窮達未可知看君不合長歎奇江山
到處堪乘興楊柳青青那足悲

別李景參

離心忽惺然策馬對秋天孟諸薄暮涼風起
歸客相逢渡睢水昨時攜手已十年今日分
途各千里巖物蕭條滿路岐此行浩蕩令人
悲家貧美爾有微祿欲往從之何所之

送郭處士往萊蕪寄荀山人

君爲東蒙客往來東蒙畔雲卧臨嶧陽山行
窮日觀少年詞賦皆可聽秀眉白面風清冷
身上未曾染名利口中猶未知臆脰今日還
山意無極豈辭世路多相識歸見萊蕪九十
翁爲論別後長相憶

同李九士曹觀壁畫雲作

始知帝鄉客能畫蒼梧雲秋天萬里一片色
只疑飛盡猶氛氲

送別

昨夜離心正鬱陶三更白露西風高管飛木
落何浙瀝此時夢見西歸客曙鐘寥亮三四
聲東隣嘶馬使人驚攪衣出戶一相送唯見
歸雲縱復橫

崔司錄宅燕大理李卿

多雨殊未已秋雲更沉沉洛陽故人初解印
山東小吏來相尋上卿才大名不朽早朝至
尊莫求友路達常推海內賢殷勤但酌樽中
酒飲醉欲言歸 門前駟馬光照衣路傍
觀者徒唧唧我公不以爲是非

畫馬篇

君侯櫪上駉貌在丹青中馬毛連錢蹄鐵色
圖畫光輝驕玉勒馬行不動勢若來權奇蹴
踏無塵埃感茲絕代稱妙手遂令談者不容
口麒麟獨步自可珍驚駘萬疋知何有終未

如他纏上駮載華鞍駢飛鴻荷君剪拂與君
用一日千里如旋風

詠馬鞭

龍竹養根凡幾年工人截之爲長鞭一節一
目皆天然珠重重星連連繞指柔純金堅繩
不直規不圓把向空中捎一聲良馬有心日
馳千

贈別晉三處士

有人家住清河源渡河問我遊梁園手持道
經注已畢心知內篇口不言盧門拾年見秋
草此心惆悵誰能道知已從來不易知慕君
爲人與君好別時九月桑葉疎出門千里無
行車愛君且欲君先達今上求賢早上書

九月九日酬顏少府

簷前白日應可惜籬下黃花爲誰有行子迎
霜未授衣主人得錢始沽酒蘇秦頗頰人多
厭蔡澤棲遲世看醜縱使登高只斷腸不如
獨坐空搔首

賦得還山吟送沈四山人

還山吟天高日暮寒山深送君還山識君心
人生老大須恣意看君解作一生事山間偃
仰無不至石泉淙淙若風雨桂花松子常滿
地賣藥囊中應有錢還山服藥又長年白雲
勸盡杯中物明月相隨何處眠眠時憶問醒
時意夢魂可以相周旋

見人臂蒼鷹

寒楚十二月蒼鷹八九毛寄言燕雀莫相忌
自有雲霄萬里高

古歌行

君不見漢家三葉從代至高皇舊臣多富貴
天子垂衣方晏如廟堂拱手無餘議蒼生偃
卧休征戰靈臺百金以爲費田舍老翁不出
門洛陽少年莫論事

同鮮于洛陽於畢負外宅觀畫馬歌

知君愛鳴琴仍好千里馬永日恒思單父中
有時心到宛城下遇客丹青天下才白生胡

難控龍媒主人娛賓畫障開只言騏驎西極
來半壁趨勢不住滿堂風飄颻然度家僮
愕視欲先鞭轡馬驚嘶還顧始知物妙皆
可憐燕昭市駿豈徒然縱令翦拂無所用猶
勝驚駘在眼前

送渾將軍出塞

將軍族貴兵且強漢家已是渾耶王子孫相
承在朝野至今部曲燕支下控弦盡用陰山
兒登陣常騎大宛馬銀鞍玉勒繡轡每逐
嫖姚破骨都李廣從來先將士衛青未肯學
孫吳傳有沙場千萬騎昨日邊庭羽書至城
頭畫角三四聲匣裏寶刀晝夜鳴意氣能甘
萬里去辛勤動作一年行黃雲白草無前後
朝連旌旗夕刁斗塞下應多俠少年關西不
見春楊柳從軍借問所從誰擊劍酣歌當此
時遠別無輕統朝策平戎早寄仲宣詩

同河南李少尹畢員外宅夜飲時洛陽告捷遂作春酒歌

故人美酒勝濁醪故人清詞合風騷長歌滿
酌惟吾曹高談正可揮塵毛半醉忽然持蟹
螯洛陽告捷傾前後武侯腰間印如斗郎官
無事時飲酒杯中綠蟻吹轉來甕上飛花拂
還有前年持節將楚兵去年留司在東京今
年復拜二千石盛夏五月西南行彭門劒門
蜀山裏昨逢軍人初奪我到家但見妻與子
賴得飲君春酒數十杯不然令我愁欲死

寄宿田家

田家老翁住東陂說道平生隱在茲髮白未
曾記日月山青每到識春時門前種柳深成
巷野谷流泉添入池牛壯日耕十畝地人閑
常掃一畦茨客來滿酌清樽酒感興平吟才
子詩嚴際富中藏鼉鼠潭邊竹裏隱鷗鷺村
墟日落行人少醉後無心怯路岐今夜只應
還寄宿明朝拂曙與君辭

人日寄杜二拾遺

人日題詩寄草堂還憐故人思故鄉柳條弄

色不忍見梅花滿枝空斷腸身在南番無所
預心懷百憂復千慮今年人日空相憶明年
人日知何處一卧東山三十春豈知書劔老
風塵龍鍾還添二千石愧爾東西南北人

塞下曲

君不見芳樹枝春花落盡蜂不窺君不見累
上泥秋風始高燕不栖蕩子從軍事征戰蛾
眉蟬娟守空閨獨宿自然堪下淚况復時聞
鳥夜啼

高常侍集卷第五

高常侍集卷第六

五言律詩

武威同諸公過楊七山人

幕府日多暇田家歲復登相知恨不早乘興
乃無恒窮巷在喬木深齋垂古藤邊城唯有
醉此外更何能

入昌松東界山行

馬道樂登頓馬蹄無暫閒崎嶇出長坂合香
猶前山石激水流凌天寒松色間王程應未
盡且莫顧刀鐔

送白少府送兵之隴右

殘更登隴首遠別指臨洮焉問關中事何如
州縣勞軍容隨赤羽樹色引青袍誰斷單于
臂今年太白高

河西送李十七

邊城多遠別此去莫徒然問禮知才子登科
及少年出門看落日驅馬向秋天高價人爭
重行當早著鞭

醉後贈張九旭

世上謾相識此翁殊不然興來書自聖醉後
語猶顛白髮老閑事青雲在目前牀頭一壺
酒能更幾回眠

酬衛八雪中見寄

季冬憶淇上落日歸山樊舊宅帶流水平田
臨古村雪中望來信醉裏開衙門果得希代
寶絨之那可論

同魏八題陸少府書齋

知君薄州縣好靜無冬春散帙至棲鳥明燈
留故人深房臘酒熟高院梅花新若是周旋
地當令風義親

送張瑤貶五溪尉

他日維貞幹明時懸鐵鉞江山遙去國妻子
獨還家離別無嫌遠沉浮勿強嗟南登有詞
賦知爾弔長沙

別韋五

徒然酌杯酒不覺散人愁相識仍遠別欲歸

翻旅遊夏雲滿郊甸明月照河洲莫恨征途
遠東看漳水流

別劉大校書

昔日京華去知君才望新應猶作賊好莫嘆
在官貧且復傷遠別不然愁此身清風幾萬
里江上一歸人

宋中別王功叔各賦一物

商丘試一望隱隱帶秋天地與星辰在城將
大路遷于戈悲昔事墟落對窮年即此傷離
緒淒淒賦酒筵

送蔡十二之海上

黯然而所爲相對益悲酸季弟念離別賢兄
救急難河流冰處盡海路雪中寒尚有南飛
鴈知君不忍看

宴郭校書因之有別

絲服趨庭訓分交載酒過芸香 早著蓬轉
事仍多苦戰知機息窮愁奈別何雲霄莫相
待年髮已蹉跎

別韋兵曹

離別長千里相逢數十年此心應不變他事
已徒然惆悵春光裏蹉跎柳色前途時常目
取有爾欲先鞭

獨孤判官部送兵

饒君嗟遠別爲客念周旋征路今如此前軍
猶眈然出關逢漢壁登龐望胡天亦是封侯
地期君早著鞭

別從甥萬盈

諸生曰萬盈四十乃知名宅相子偏重家立
人莫輕美才應自料苦節豈無成莫以山田
薄今春又不耕

別崔少府

知君少得意文上掩柴扉寒食仍留火春風
未授衣皆言黃綬屈早向青雲飛借問他鄉
事今年歸不歸

別馮判官

碣石遼西地漁陽薊北天關山唯一道雨雪

盡三邊才千方爲客將軍正慕賢遙知幕府
下書記日翩翩

同李太守北池泛舟宴高平鄭太守
每揖襲黃事還陪李郭舟雲從四岳去水向
百城流幽意隨登陟嘉言即獻酬乃知縫掖
貴今日對諸侯

同崔貪外基毋拾遺九日宴京兆府
李士曹

今日好相見群賢仍廢曹晚晴催翰墨秋興
引風騷絳葉擁虛砌黃花隨濁醪閉門無不
可何事更登高

送崔功曹赴越

傳有東南別題詩報客居江山知不厭州縣
復何如莫恨吳歛曲當看越絕書今朝欲乘
興隨爾食鱸魚

送蹇秀才赴臨洮

悵望日千里如何今二毛猶思陽谷去莫厭
隴山高倚馬見雄筆隨身唯寶刀料君終自

致勳業在臨洮

洪上別業

依依西山下別業桑林遶庭鵲喜多雨隣鷄
知暮天野人種秋菜古老開原田且向世情
遠吾今聊自然

洪上送章司倉往滑臺

飲酒莫辭醉醉多適不愁孰知非遠別終念
對窮秋滑臺門外見淇水眼前流君去應回
首風波滿渡頭

使青夷軍入居庸三首

匹馬行將久征途去轉難不知邊地別抵訝
客衣單溪冷泉聲苦山空木葉乾莫言關塞
極雲雪尚漫漫

古鎮青山口寒風落日時巖巒鳥不過冰雪
馬堪遲出塞應無策還家賴有期東山足松
桂歸去結茅茨

登頓驅征騎樓遲愧寶刀遠行今若此微祿
果徒勞絕坂水連下群峯雲共高自堪成白

首何事一青袍

自薊北歸

驅馬薊門北北風遶馬哀蒼茫遠山口豁達
胡天開五將已深入前軍止半迴誰憐不得
意長劍獨歸來

途中寄徐錄事

落日風雨至秋天鴻雁初離憂不堪比旅館
復何如君又曩時去我知音信跡空多篋中
贈長見右軍書

廣陵別鄭處士

落日知分手春風莫斷腸興來無不慍才在
亦何傷溪水堪垂釣江田耐插秧人生只爲
此亦足傲羲皇

別孫訢

離人去復留白馬黑貂裘屈指論前事停鞭
惜舊遊帝鄉那可忘旅館日堪愁誰念無知
已年年睢水流

送劉評事充朔方判官賦得征馬嘶

征馬向遼州蕭蕭嘶不休思深應帶別聲斷
爲薰秋岐路風將遠關山月共愁贈君從此
去何日大刀頭

送魏八

更沽淇上酒還泛驛前舟爲惜故人去復憐
嘶馬愁雲山行處合風雨興中秋北路無知
已明珠莫暗投

贈別褚山人

携手贈將行山人道姓名光陰薊子訓才術
褚先生牆上梨花白樽中桂酒清洛陽無二
價猶是慕風聲

別王八

征馬嘶長路離人挹佩刀客來東道遠歸去
北風高時候何蕭索鄉心正鬱陶傳君遇知
已行日有綈袍

送董判官

逢君說行邁倚劍別交親懷府爲才子將軍
作主人近關多雨雪出塞有風塵長策須當

用男兒莫顧身

同群公登漢陽聖佛寺閣

落日登臨處悠然意不窮佛因初地識人覺
四天空來鴈清霜後孤帆遠樹中徘徊傷寓
目蕭索對寒風

同群公十月朝宴李太守宅

良牧徵高賞褰帷問考槃歲時當正月甲子
入初寒已聽甘棠頌欣陪旨酒歡仍憐門下
客不作布衣看

送裴別將之安西

絕域耿難躋悠然信馬蹄風塵驚跋涉搖落
愁膠拂地出流沙外天長甲子西少年無不
可行矣莫懷悽

部落曲

蕃軍傍塞遊代馬噴風秋老將垂金甲閑支
着錦裘瑠玳瑁豹尾紅旆掃狼頭日暮天山
下鳴笳漢使愁

送鄭侍御謫閩中

謫去君無恨，閨中我舊過。大都秋鴈少，只是夜猿多。東路雲山合，南天瘴癘和。自當逢雨露，行矣慎風波。

送李侍御赴安西

行子對飛蓬，金鞍指鐵驄。功名萬里外，心事一杯中。虜障燕支北，秦城太白東。離魂莫惆悵，看取寶刀雄。

贈杜二拾遺

傳道招提客，詩書自討論。佛香時入院，僧飯屢過門。聽法還應難，尋經剝欲翻。草玄今已畢，此外復何言。

高常侍集卷第六

高常侍集卷第七

五言排律

秋日作

端居值秋節，此日更愁辛。寄寞無一事，蒿萊通四鄰。閉門生白髮，迴首憶青春。歲月不相待，交遊隨衆人。雲霄何處託，愚直有誰親。舉酒聊自勸，窮通信爾身。

陪竇侍御泛靈雲池

白露時先降，清川思不窮。江湖仍塞上，舟楫在軍中。舞換臨津樹，歌饒向晚風。夕陽連積水，邊色滿秋空。乘興宜投轄，邀歡莫避聰。誰憐持弱羽，猶欲伴鷗鴻。

陪竇侍御靈雲南亭宴詩 并序

涼州近胡高，下其池亭蓋以擢蕃落也。幕府董帥雄勇，徑踐戎庭，自陽關而西，猶枕席矣。軍中無事，君子飲食宴樂，宜哉。白蘭在邊，清秋多興，況水具舟，礫山蕙亭臺始臨，泛而寫煩，俄登陟以寄傲，綵桐徐奏，林木更爽，觴蒲

荀以通歡指蘭茝而可擬胡天一望雲物蒼然雨蕭蕭而牧馬聲斷風嫋嫋而邊歌幾處又足悲夫員外李公曰七日者何牛女之夕也夫賢者何得謹其時請賦南亭詩列之于後

人幽宜眺聽目極喜亭臺風景知愁在關山憶夢迴祇言殊語默何意忝遶陪連唱波瀾動冥搜物象開新秋歸遠樹殘雨擁輕雷簷外長天盡尊前獨鳥來常吟塞下曲多謝幙中才河漢徒相望嘉期安在哉

和寶侍御登京州七級浮圖之作

化塔屹中起孤高宜上躋鐵冠雄賞眺金界寵招攜空色在軒戶遶聲連鼓擊天寒萬里北地豁九州西清興揖才彥峻風和端倪始知陽春後具物皆筌蹄

同熊少府題盧主簿茅簷

虛院野情在茅簷秋興存孝廉趨下位才子出高門乃繼幽人靜能令學者尊江山歸謝

客神鬼下劉根階樹時攀折空書任討論自堪成獨往何必武陵源

同朱五題盧使君義井

高義唯良牧深仁自下車寧知鑿井處還是飲水餘地即泉源又人當汲引初體清能鑒物色洞每含虛上善滋來往中和決里間濟時應未竭懷惠復何如

同郭十題楊主簿新廳

華館曙沉沉惟良正在今用材兼柱石開物象高深更得芝蘭地兼榮拱棘林向風局戟戶當署近棠陰勿改安卑節聊開理劇心多君有知己一和郭中吟

送蔡少府赴登州推事

膠東連即墨萊水入滄溟國小常多事人訛厚抵刑公才徵郡邑詔使出郊坰標格誰當犯風謠信可聽崢嶸大峴口遷延汶陽亭地迫雲偏白天秋山更青桓楚方卜畫王事急侵星勸爾將爲德斯言蓋有聽

秦中送李九赴越

攜手望千里于今將十年如何每離別心事
復迅速通越雖有以出關終耿耿愁臨不可
向長路或難前吳會獨行客山陰秋夜船謝
家徵故事禹穴訪遺編鏡水君所憶葦蕩余
舊便歸來莫忘此兼示齊江篇

古樂府飛龍曲留上陳左相

德以精靈降時膺夢寐求蒼生謝安石天子
富平侯尊俎實高論巖廊挹大猷相門連戶
牖卿族嗣弓裘豁達雲開霽清明月映秋能
爲吉甫頌善用子房籌階砌思攀陟門闌尚
阻修高山不易仰大臣本難投跡與松喬合
心緣啓沃留公才山吏部書辭杜荊州華沐
千年聖何辭一尉休折腰知寵辱迴首見沉
浮天地莊生馬江湖范蠡舟逍遙堪自樂浩
蕩信無憂去此從黃綬歸歟任白頭風塵與
霄漢瞻望日悠悠

留上李右相

風俗登淳古君臣挹大庭深沉謀九德密勿
契千齡獨立調元氣清心豁實冥本枝連帝
系長策冠生靈傳說明殷道蕭何律漢刑鈞
衡持國柄柱石總賢經隱軫江山藻氣氤鼎
鼐銘典中皆白雪身外即丹青江海呼窮鳥
詩書問聚螢吹噓成羽翼提握動芳馨倚伏
悲還笑棲遲醉復醒思榮初就列舍育忝賔
形有竊丘山惠無時枕席盛壯心瞻落景生
事感流萍莫以才難用終期善易聽未爲門
下客徒謝少微星

辟陽城

荒城在高岸凌龍俯清淇傳道漢天子而封
審食其好滌且不戮茅土孰云宜何得英雄
主返令兒女欺母儀良已失臣節豈如斯太
息一朝事乃令人所嗤

信安王幕府詩并序

開元二十年國家有事林胡詔禮部尚書信
安王總戎大舉時考功郎中王公同勳郎中

劉公主客郎中魏公侍御史李公監察御史
崔公咸在幕府詩以頌美數公見于詞九三
十韻

雲紀軒皇代星高太白年廟堂咨上策幕府
制中權盤石藩維固昇壇禮樂先國章榮印
綬公服貴貂蟬樂善旌深德輸忠格上玄剪
桐光寵錫題劔美貞堅聖祚雄圖廣師貞武
德虔雷震七校發旌旆五營連華省徵群又
霜臺舉二賢豈伊公望遠曾是茂才選並東
韜鈴術兼該翰墨選帝恩麟閣像臣獻栢梁
篇振王登遠句從金歷薊壩度河飛羽檄橫
海泛樓船北伐聲逾邁東征務以專講戎宣
涿野料敵靜居延軍勢持三畧兵戎自九天
朝瞻授鉞去時聽偃戈旋大漠風沙裏長城
雨雪邊雲端臨碣石波際隱朝鮮夜壁衝高
斗寒空駐綵旗倚弓玄兔月飲馬白狼川庶
物隨交泰蒼生解倒懸四郊增氣象萬里絕
風煙關塞鴻勳著京華甲第全落梅橫吹後

春色凱歌前直道常兼濟微才獨并捐曳裾
誠已矣校筆尚懷然作賦同元淑能詩匪仲
宣雲霄不可望空欲仰神仙

奉酬睢陽李太守

公族稱王佐朝經允帝求本枝疆我李盤石
冠諸劉禮樂光輝盛山河氣象幽系高周柱
史名重晉陽秋華省應推擇青雲寵宴遊握
蘭多具美前席有嘉謀賦得黃金賜言皆白
璧酬着鞭驅駟馬操刀解全牛出鎮兼方伯
承家復列侯朝瞻孔北海時用杜荊州廣固
纔登陟毘陵忽阻脩三台冀入夢四嶽尚分
憂郡邑連京口山川望石頭海門當建節江
路引鳴騶俗見中興理人逢至道休先移白
額橫更息耜衣倫梁國歌來晚徐方怨不留
豈伊齊政術將以變滌浮訟簡知能吏刑寬
察要囚坐堂風偃草行縣雨隨輶地是蒙莊
宅城遺闕伯丘孝王餘井徑微子故曰疇冬
至招搖轉天寒蟬蛻收猿巖飛雨雪鬼祀落

梧楸列戟霜侵戶，霽月在天鈎。好賢常解榻，乘興每登樓。逸足橫千里，高談注九流。詩題青玉案，衣贈黑貂裘。窮巷軒車靜，閑齋耳目愁。未能方管樂，翻欲慕巢由。講德良難敵，觀風豈易儔。寸心仍有適，江海一扁舟。

奉酬路太守見贈之作

盛才膺命代，高價動良時。帝簡登藩翰，人和發詠思。神仙去華省，鸞鶴憶丹墀。清淨能無事，優游即賦詩。江山分想像，雲物共差池。逸氣劉公幹，玄言向子期。多慙汲引速，翻愧激昂遲。相馬知何限，登龍反自疑。風塵吏道迫，行邁旅人悲。拙疾徒爲爾，窮愁欲問誰。秋庭一片葉，朝鏡數莖絲。州縣甘無取，丘園悔莫追。瓊瑤生篋笥，光景滿茅茨。他日青霄騎，猶應訪所之。

錢宋八充彭中丞判官之嶺外

親君濟時略，使我氣填膺。長策竟不用，高才徒見稱。一朝知己達，累日詔書徵。羽翮忽然

然就風，飈誰敢凌。舉鞭趨嶺嶠，屈指冒炎蒸。北鴈送馳驛，南人思飲冰。彼邦本倔強，習俗多驕矜。翠羽羽千平，法黃金撓直。繩若將除害，馬慎勿信蒼蠅。魑魅無患忠，貞道有憑猿。啼山不斷爲，跼路難登海岸。出交趾，江城連始興。繡衣當節制，幕府盛威稜。勿憚九疑陰，須令百越澄。立談多感激，行李即嚴凝。離別胡爲者，雲霄遲爾昇。

送柴司戶充劉鄉判官之嶺外

嶺外資雄鎮，朝端寵節旄。月卿臨幕府，星使出詞曹。海對羊城闊，山連象郡高。風霜驅瘴癘，忠信涉波濤。別恨隨流水，交情脫寶刀。有才無不適用，行矣莫徒勞。

同李員外賀哥舒大夫破九曲之作

遙傳副丞相，昨日破西番。作氣辭山動，揚軍大旆翻。奇兵邀轉戰，連弩絕歸奔。泉噴諸戎血，風驅死虜魂。飛橫萬戟面，轉聚轅門。鬼哭黃埃莫，天愁白日昏。石城與巖險，鐵騎皆

雲屯長策一言決高蹤百代存威稜懾沙漠
忠義感乾坤老將黥無色儒生安敢論解圍
憑廟弄止殺報君恩唯有關河耿蒼茫空樹
塚

酬河南節度使賀蘭大夫見贈之作

高閣憑欄檻中軍倚旆旌感時常激切於已
即忘情河華也妖氣伊瀼有戰聲魂無戲難
策多謝出師名東鉞知恩重臨戎覓命輕股
肱瞻列岳唇齒賴長城隱隱推鋒勢光光弄
印榮魯運真義士陸遜豈書生直道寧殊智
先鞭忽抗行楚雲隨去馬淮月尚連營撫劍
堪投分悲歌益不平從來重然諾況值欲橫
行

赴彭州山行之作

峭壁連嵯峨峰巒翠微鳥聲堪駐馬林色
可忘機怪石時侵徑輕蘿乍拂衣路長愁作
客年光更思歸且悅巖壑勝寧嗟意緒違山
行應未盡誰與玩芳菲

東平旅遊奉贈薛太守二十四韻

頌美馳千古欽賢仰大猷晉公標逸氣汾水
注長流神與公忠節天生將相儔青雲本自
負赤縣獨推尤御史風逾勁郎官草屢修驚
鸞粉署起鷹隼栢臺秋出入交三事飛鳴揖
五侯軍書陳上策廷議借前籌肅肅趨朝列
雖雖引帝求一麾俄出守千里再分憂不改
任棠水仍傳晏子渠歌謠隨舉扇旌旆逐鳴
騶郡國長河遶川源大野幽地連堯秦嶺山
向禹青州汶上春帆渡秦亭晚日愁遺墟當
少昊懸象適奎婁即此逢清鑒終然喜暗投
叨承解榻禮更得間練遊高興陪登陴嘉言
忝獻酬觀棊知戰勝探象會冥搜眺瞻情何
限冲融惠勿休抵鷹齊語默寧肯問沉浮然
悠悠

真定即事奉贈章使君二十八韻

漂泊懷書客遲迴此路隅問津驚素舫投刺

忽踟躕方伯思彌重蒼生詠已蘇郡稱廉叔
度朝議管夷吾乃繼三台側仍將四獄俱江
山澄氣象崖谷倚冰壺詔寵金門策官榮葉
縣見擢才登粉署飛步躡雲衢起草徵調墨
焚香即宴娛光華揚盛矣霄漢在茲乎隱軫
推公望逶迤協帝俞軒車辭魏闕旌節副幽
都始佩仙印即俄兼太守符尤多蜀郡理更
得潁川謨城邑推雄鎮山川列簡圖舊燕當
絕漠全趙對平蕪曠野何瀟漫長亭復鬱紆
始泉遺俗近活水戰場無月換思鄉陌星迴
記斗樞巖容歸萬象和氣發鴻鍾淪落而誰
遇拙遑有是夫不才羞擁腫干祿謝侏儒契
闊慙行邁羈離憶有干田園同季子儲畜異
陶朱方欲呈高義吹噓揖大巫永懷吐肝膈
猶憚阻榮枯解榻情何限忘言道未殊從來
貴逢掖應是念窮途

高常侍集卷第七

高常侍集卷第八

七言律詩

金城北樓

北樓西望滿晴空積水連山勝畫中端上急
流聲若箭城頭殘月勢如弓垂竿已謝磻溪
老體道猶思塞上翁爲問邊庭更何事至今
羌笛怨無窮

送前衛李采少府

黃鳥翩翩楊柳垂春風送客使人悲怨別自
驚千里外論交却憶十年時雲開汶水孤帆
遠路繞梁山匹馬遲此地從來可乘興暫君
不住益淒其

夜別韋司士

高館張燈酒復清夜鍾殘月鴈歸聲只言啼
鳥堪求侶無那春風欲送行黃河曲裏沙爲
岸白馬津邊柳向城莫然他鄉暫離別知君
到處有逢迎

同顏少府旅宦秋中

傳君昨夜悵然悲獨坐新齋木落時逸氣舊
來凌燕雀高才何得混妍媸留青綬人多
嘆心在青雲世莫知不是鬼神無正直從來
州縣有瑕疵

同陳留崔司戶早春宴蓬池

同官載酒出郊圻晴日東馳鴈北飛隔岸春
雲邀翰墨傍簷垂柳報芳菲池邊轉覺虛無
盡臺上偏宜酌酒歸州縣徒勞那可度後時
連騎莫相違

送李少府貶峽中王少府貶長沙

嗟君此別意何如駐馬銜杯問謫居巫峽啼
猿數行淚衡陽歸鴈幾封書青楓江上秋天
遠白帝城邊古木疎聖代即今多雨露暫時
分手莫躊躇

重陽

節物驚心兩鬢華東籬空繞未開花百年將
半仕三已五畝就荒天一涯豈有白衣來剝
啄亦從烏帽自欹斜真成獨坐空搔首門柳

蕭蕭紫暮鴉

五言絕句

詠史

尚有綈袍贈應憐范叔寒不知天下士猶作
布衣看

田家春望

出門何所見春色滿平蕪可歎無知己高陽
一酒徒

閒居

柳色驚心事春風臥索居方知一杯酒猶勝
百家書

送兵到薊北

積雪與天迥屯軍連塞愁誰知此行邁不為
覓封侯

封丘作

州縣才難適雲山道欲窮揣摩慙黠吏棲隱
謝愚公

同群公題張處士菜園

咄地桑柘間地肥莖常熟爲問葵藿資何如
廟堂肉

逢謝偃

紅顏創爲別白髮始相逢唯餘昔時慮無復
舊時容

感五溪薺菜

兩京作 賣五溪無人採夷夏雖有殊氣味
終不改

七言絕句

除夜作

旅館寒燈獨不眠客心何事轉悽然故鄉今
夜思千里霜髮明朝又一年

初至封丘作

可憐薄暮宦遊子獨卧虛齋思無已去家百
里不得歸到官數日秋風起

別董大二首

十里黃雲白日曛北風吹厲雪紛紛莫愁前
路無知己天下誰人不識君

六翮飄飄私自憐一韓京洛十餘年丈夫貧
賤應未足今日相逢無酒錢

營州歌

營州少年厭原野皮裘蒙茸獵城下虜酒千
鍾不醉人胡兒十歲能騎馬

送桂陽孝廉

桂陽少年西入秦數經甲科猶白身即今江
海一歸客他日雲霄萬里人

聽張立本女吟

危冠廣袖楚宮粧獨步闌庭逐夜涼自把玉
簪敲砌竹清歌一曲月如霜

塞上聽吹笛

雪淨胡天牧馬還月明羌笛戍樓間借問梅
花何處落風吹一夜滿關山

送李少府時在客舍

相逢旅館意多違暮雪初晴候鴈飛主人酒
盡君未醉薄暮途遙歸不歸

九曲詞三首

許國從來徹廟堂連年不爲在壇場將軍天
上封侯印御史臺中吳姓王
萬騎爭歌楊柳春千場對舞繡駢驎到處盡
逢歡洽事相看總是太平人
鐵騎橫行鐵嶺頭西看邏沙取封侯青海只
今將飲馬黃河不用更防秋

高常侍集卷第八終

